



ს ა ქ ა რ თ ვ ე ლ ო

ქალაქ ფოთის მუნიციპალიტეტის მერის

ბ რ ძ ა ნ ე ბ ა № 667



ქ. ფოთი

„10“ 08 2016 წ.

ქალაქ ფოთის მუნიციპალიტეტის საპატიო მოქალაქის წოდების მინიჭების შესახებ

ქალაქ ფოთის მუნიციპალიტეტის საკრებულოს 2016 წლის 30 მარტის N6/12 დადგენილებით დამტკიცებული ქალაქ ფოთის მუნიციპალიტეტის საპატიო მოქალაქის წოდების მინიჭების წესის მე-3 მუხლის პირველი პუნქტის თანახმად, ქალაქ ფოთის მუნიციპალიტეტის საპატიო მოქალაქის წოდების მინიჭებას ახდენს ქალაქ ფოთის მუნიციპალიტეტის მერი.

ქალაქ ფოთის მუნიციპალიტეტის საპატიო მოქალაქის წოდება ენიჭება პიროვნებას ქალაქ ფოთის მუნიციპალიტეტის წინაშე განსაკუთრებული ღვაწლისა და დამსახურებისათვის, რომლის საქმიანობა და აქტიური ცხოვრებისეული პოზიცია სამაგალითოა ქალაქ ფოთის მუნიციპალიტეტის მცხოვრებთათვის.

აღნიშნულიდან გამომდინარე ვბრძანებ:

მუხლი 1. ქალაქ ფოთის მუნიციპალიტეტის წინაშე განსაკუთრებული ღვაწლისა და დამსახურებისათვის, გაწეული უანგარო სამსახურისათვის, საპატიო მოქალაქის წოდება მიენიჭოს ფოთისა და ხობის ეპარქიის მიტროპოლიტს - გრიგოლს (საერო სახელი - გურამ ბერბიჭაშვილი).

მუხლი 2. ქალაქ ფოთის მუნიციპალიტეტის საკრებულოს 2016 წლის 30 მარტის N6/12 დადგენილებით დამტკიცებული ქალაქ ფოთის მუნიციპალიტეტის საპატიო მოქალაქის წოდების მინიჭების წესის მე-4 მუხლის მე-2 პუნქტის შესაბამისად, ბრძანების პირველ პუნქტში მითითებულ პირზე გაიცეს ფასიანი საჩუქრები.

მუხლი 3. დაევალოს ქალაქ ფოთის მუნიციპალიტეტის მერიის შესყიდვებისა და საბუღალტრო სამსახურსა და ქალაქ ფოთის მუნიციპალიტეტის მერიის კულტურის, ძეგლთა დაცვის, სკოლამდელი და სკოლისგარეშე აღზრდის დაწესებულებებთან ურთიერთობის სამსახურს ბრძანების პირველ და მეორე პუნქტებში მითითებულ ღონისძიებებთან დაკავშირებით განახორციელონ შესაბამისი მოქმედებები, კანონმდებლობის შესაბამისად.

მუხლი 4. ქალაქ ფოთის მუნიციპალიტეტის საპატიო მოქალაქეზე გაიცეს შესაბამისი მოწმობა.

მუხლი 5. ბრძანება ძალაშია ხელმოწერისთანავე.

ქალაქ ფოთის მუნიციპალიტეტის მერი



ბრძანება ეგზავნება: საქმის წარმოების განყოფილებას, ქალაქ ფოთის მუნიციპალიტეტის მერიის შესყიდვებისა და საბუღალტრო სამსახურს, ქალაქ ფოთის მუნიციპალიტეტის მერიის კულტურის, ძეგლთა დაცვის, სკოლამდელი და სკოლისგარეშე აღზრდის დაწესებულებებთან ურთიერთობის სამსახურს.